

**ALKATETZA
DEKRETUA**

2025 000003330

Espediente-zenbakia: 2025/IDA_ERA_0051**Xedea**

Arraun elkartearekin 2025. urteko hitzarmena sinatzea eta dagokion gastua onartzea.

Aurrekariak

Lehenengoa: Bermeoko Udalaren 2025. urterako aurrekontuetan, Arraun Elkartearen aldeko dirulaguntza nominatiboa jasotzen dau.

Bigarrena: Dirulaguntzen 38/2003 Lege Orokorren 28. Artikuluaren arabera, dirulaguntza biderateko hitzarmena sinatu behar da.

Hirugarrena: Hitzarmenaren helburua, arraun jarduerak bultzatu eta babestea da Bermeoko udalerriko identitateagaz oso modu estuan lotuta dagoen kirola dalako.

Laugarrena: 2025eko maiatzaren 20an, Kirol Saileko zuzendariak justifikatze memoria egin du.

Bosgarrena: 2025eko maiatzaren 20an, Idazkaritzako Administrazio Orokorreko teknikariak txostena egin du.

Seigarrena: 2025eko ekainaren 2an, Kontu-hartzaileak aldeko fiskalizazio txostena espedientearen gehitu du. .

Zazpigarrena: 2025eko ekainaren 3an, Kirol Saileko zuzendariak erabaki proposamena egin du.

Argudioak

Lehenengoa: Bermeoko Udalak 2025eko aurrekontuetan Arraun Elkartearen aldeko dirulaguntza nominatiboa jaso dau eta elkarte honeguz hitzarmena egiteko proposamena.

Bigarrena: finantzatuko diren gastuak formazioa, baliabide materialen hornikuntza eta giza baliabideak, federazioen kuotak, beharrezkoak diren kudeaketa gastuak, garraioak, elkarteko ohiko ekintzak, arraunaren difusioa eta sustapena egiteko jarduerak eta programak.

Hirugarrena: Gastuak beharrezko atxikipena dauka RC 2025/552.



Laugarrena: Erregimena arautzen dauan 7/1985 Oinarri Legeak, honakoa xedatzen dau bere 5. artikulua, Toki Errejimenaren Testu Bateratua onartzen dauan 781/1986 EDLaren 111. Artikulua, Herri Administrazioen Prozedura Administrazio Orokorra onartzen dauan 39/2015 Legearen 86. artikulua, Dirulaguntzen 38/2003 Lege Orokorrak, bere 28.1 artikulua, Sektore Publikoko Kontratuak 9/2017 Legeak bere 6. Artikulua eta Sektore Publikoaren Errejimen Juridikoa arautzen dauan 40/2015 Legearen 47. artikulua eta hurrengokoak hartu dira kontutan.

Bosgarrena: Hitzarmena onartzeko ahalmenari jagokonez, Toki Erregimena arautzen dauan 7/1985 Oinarri Legearen 21.1. artikulua f) eta s) ataletan jasotakoaren arabera, alkateari dagokio eta 2025/3304 dekretuan horrela jaso da.

Erabakia

Goian adierazitako kontuan hartuta, honakoa erabaki dut:

LEHENENGOA: Bermeoko Arraun Elkarteari 2025. urteko hitzarmena sinatzea onartzea.

BIGARRENA: aurrekontuko 01600-34100-481.01.25 partida ekonomikoaren pentzura, Bermeoko Arraun Elkarteari 44.800 €-ko gastua onartzea eta esleitzea (AD), hitzarmenean agertzen den programako gastuentzat

HIRUGARRENA: Ordaintzeko modua honakoa izango da: hitzarmena sinatu ondoren, zenbatekoaren %75a, hau da, 33.600 € (O) eta %25a, hau da, 11.200 €, diru-laguntza behar den moduan justifikatu ondoren.

LAUGARRENA: Euskararen ordenantzak xedatzen dituen kultura, kirol, aisialdi elkarte, musika talde eta bestelakoei diru-laguntzak emateko baldintzak bete behar ditu diru-laguntzaren jasotzaileak.

BOSGARRENA: Interesdunari erabakiaren barri ematea, hitzarmena sinatu dezan.

SEIGARRENA: Erabaki honen barri Idazkaritzari, Ekonomia, Kontabilitateari eta Diruzaintzari jakinaraztea.

ZAZPIGARRENA: Hitzarmen honen publizitatea Diru-laguntzen Datu Base Nazionalean argitaratzeko agindua ematea Kirol Sailari.

ZORTZIGARRENA: Hurrengo Osoko Bilkuran erabaki honen barri ematea.

Oharra: sinadurea eta data orri-oinean .



Sinadurea eta data

